

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-24295/21
Sarajevo, 22.02.2022. godine

Na osnovu člana člana 69. stav (2) tačka e) i člana 70. stav (1) i (4) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi

ODLUKU O PONIŠTENJU POSTUPKA JAVNE NABAVKE

I

Prihvata se preporuka Komisije za javnu nabavku radova i poništava se postupak javne nabavke – „Izgradnja vodovodne mreže profila DN 100 i 150 u ulici Kralja Stjepana Tomaševića“ broj obavještenja 422-1-3-240-3-221/21, objavljeno na Portalu javnih nabavki dana 24.12.2021.godine i u „Službenom glasniku BiH - Oglasnik javne nabavke“, br.1/22 od 07.01.2022.godine, obzirom da su cijene svih prihvatljivih ponuda znatno veće od osiguranih sredstava za predmetnu nabavku.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

Obrazloženje

Odlukom broj 02/12-19-24295/21 od 24.12.2021. godine Općina Novi Grad Sarajevo pokrenula je otvoreni postupak javne nabavke – „Izgradnja vodovodne mreže profila DN 100 i 150 u ulici Kralja Stjepana Tomaševića“ broj obavještenja 422-1-3-240-3-221/21, objavljeno na Portalu javnih nabavki dana 24.12.2021.godine i u „Službenom glasniku BiH - Oglasnik javne nabavke“, br.1/22 od 07.01.2022.godine.

Zapisnikom o otvaranju ponuda od 14.01.2022. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača:

1. „Bujice“ d.o.o. Konjic
2. „Manjo“ d.o.o. Sarajevo
3. „Mibral“ d.o.o. Sarajevo
4. grupa ponuđača “Ted Invest” d.o.o. Sarajevo i “Borhtechnik” d.o.o. Brčko

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Bujice“ d.o.o. Konjic ne ispunjava kvalifikacioni uslov tražen u tenderskoj dokumentaciji iz tačke 3.4.1. (d) tehnička i profesionalna sposobnost – da je ponuđač opremljen potrebnom opremom i mehanizacijom za obavljanje predmetnih radova, a tačkom 3.4.2. (e) propisano je da se navedeno dokazuje na sljedeći način: kao dokaz o obezbijeđenosti opreme dostavlja se izvod iz knjige osnovnih sredstava (sa označenom pozicijom tražene opreme) ili ugovor o iznajmljivanju opreme, za kamion se dostavlja važeća saobraćajna dozvola (original ili ovjerena kopija), za radne mašine važeću saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje. Uvidom u dostavljenu ponudu ponuđača „Bujice“ d.o.o. Konjic konstatovano je da ponuđač nije dostavio se izvod iz knjige osnovnih sredstava (sa označenom pozicijom tražene opreme). Nadalje ponuđač je na strani 44. ponude dostavio dostavio Upotrebnu dozvolu broj 1024-STR-01/19 od 10.01.2019.godine za radnu mašinu rovokopač-točkaš, međutim obzirom da je važnost iste tri (3) godine Komisija je konstatovala da je navedena upotrebna dozvola istekla.

Iz naprijed navedenih razloga utvrđeno je da ponuđač „Bujice“ d.o.o. Konjic ne ispunjava uslove tražene u tenderskoj dokumentaciji iz tački 3.4.1. (d) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da grupa ponuđača “Ted Invest” d.o.o. Sarajevo i “Borhtechnik” d.o.o. Brčko ne ispunjava kvalifikacioni uslov tražen u tenderskoj dokumentaciji iz tačke 3.4.1. (b) tehnička i profesionalna sposobnost: da ponuđač u stalnom radnom odnosu ima zaposlenog jednog diplomiranog inženjera – građevinske ili arhitektonske struke sa položenim stručnim ispitom i 5 /pet/ godina radnog iskustva u struci”, a što se dokazuje shodno tački 3.4.2. b) tenderske dokumentacije: Dokaz izdat od PIO ili MIO ili Porezne uprave da ponuđač u stalnom radnom odnosu ima zaposlenog jednog diplomiranog inženjera - građevinske ili arhitektonske struke sa pdatumom izdavanja ne starijim od 30 dana računajući od dana utvrđenog kao krajnji rok za predaju ponuda (original ili ovjerena kopija). Grupa ponuđača “Ted Invest” d.o.o. Sarajevo i “Borhtechnik” d.o.o. Brčko je na stranici 42 ponude dostavila je Listu osiguranih lica koju je izdala Porezna uprava FBiH-Porezna ispostava Orašje broj 13-2/1-12-45-392/21 od 07.12.2021.godine, dakle stariju od 30 dana računajući od dana utvrđenog kao krajnji rok za predaju ponuda a kao krajnji rok za predaju ponuda je određen 14.01.2022.godine. Na strani 45. ponude ponuđač je priložio Uvjerenje o osiguranju broj 0001100302852/21 od 06.12.2021. godine izdato od strane Kantonalne administrativne službe Orašje, takođe starije od 30 dana računajući od dana utvrđenog kao krajnji rok za predaju ponuda, te je Komisija konstatovala da ponuđač nije ispunio uslove iz ove tačke tenderske dokumentacije.

Iz naprijed navedenih razloga utvrđeno je da grupa ponuđača “Ted Invest” d.o.o. Sarajevo i “Borhtechnik” d.o.o. Brčko ne ispunjava uslove tražene u tenderskoj dokumentaciji iz tački 3.4.1. (b) – tehnička i profesionalna sposobnost, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da ponude ponuđača “Manjo“ d.o.o. Sarajevo i „Mibral“ d.o.o. Sarajevo ispunjavaju formalno-pravne i kvalifikacione uslove tražene u tenderskoj dokumentaciji. Komisija je izvršila računsku kontrolu ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Manjo“ d.o.o. Sarajevo sa ponuđenom cijenom za okvirni sporazum u iznosu od 279.782,97 KM bez PDV-a, 2. „Mibral“ d.o.o. Sarajevo sa ponuđenom cijenom za okvirni sporazum u iznosu od 304.079,50 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 26.01.2022. godine sa početkom u 12:30 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-240/21 od 26.01.2022.godine, Komisija je utvrdila da nije bilo podnošenja ponuda te da konačna rang lista ponuđača koji su učestvovali na e-aukciji izgleda kako slijedi:

1. „Manjo“ d.o.o. Sarajevo sa ponuđenom cijenom za okvirni sporazum u iznosu od 279.782,97 KM bez PDV-a,
2. „Mibral“ d.o.o. Sarajevo sa ponuđenom cijenom za okvirni sporazum u iznosu od 304.079,50 KM bez PDV-a.

Komisija je nadalje utvrdila da je prvorangirana ponuda ponuđača “Manjo“ d.o.o. Sarajevo u iznosu od 37.346,07 KM veća od iznosa određenog u Odluci o pokretanju postupka javne nabavke (gdje procjenjena vrijednost predmetne nabavke iznosi 290.000,00 KM sa PDV-om), odnosno da ponuđena cijena za okvirni sporazum ponuđača „Manjo“ d.o.o. Sarajevo iznosi 327.346,07 KM sa PDV-om.


Imajući u vidu da je Komisija u cijelosti pravilno provela postupak i da je kvalifikovanost ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije o poništenju postupka javne nabavke, te je shodno odredbama člana 69. stav (2) tačka e) Zakona o javnim nabavkama („Službeni glasnik BiH“, br. 39/14) odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis


Općinski načelnik
mr. Semir Efendić